

**“НҮҮДЭЛЧИН МОНГОЛ-2022”СОЁЛЫН БИЕТ БУС ӨВИЙН ИХ НААДАМД ОРОЛЦОГЧДОД
ӨГӨХ АЮУЛГҮЙ БАЙДАЛ ЭРҮҮЛ АХУЙН ЗААВАРЧИЛГАА**

2022-07-25

2022 оны 08-р сарын 12-14-ны өдрүүдэд Улаанбаатар хотноо “Горхи-Тэрэлжийн байгалийн цогцолбор газар”-т зохион байгуулагдах “Нүүдэлчин монгол -2022” наадамд оролцох оролцогч таньд дараах аюулгүй байдлын зааварчилгааг өгч байна. Зааварчилгааг гүйцэд уншиж танилцаж ойлгож мэдсэний дараа гарын үсгийг зурна уу.

“ЖОЛООЧ НАРТ “

Тээврийн хэрэгслийн жолооч нар аялалд гарахын өмнө холбогдох албан тушаалтнаас ХАБЭА зааварчилгааг дэлгэрэнгүй авч, танилцсан талаар гарын үсэг зурж баталгаажуулсан байна. Томилолтонд явахын өмнө 12 цагаас доошгүй унтаж амарсан байх. Жолооч нь тээврийн хэрэгслийг оношилгоонд хамруулж түүний дагуу шаардлагатай засвар үйлчилгээг хийсэн байх ба ирж буцахдаа батлагдсан маршрутын дагуу явна. Шаардлагатай тохиолдолд хэрэглэх дараах эд зүйлсийг бүрэн гүйцэд авч явах. Үүнд:

- Галын хор, ослын гурвалжин, эмийн сан, засвар хийхэд шаардлагатай багаж хэрэгсэл, татлага тросс, домкрат, нөөц дугуй, нөхөөс гэх мэт

Жолооч нь тээврийн хэрэгслийн аюулгүй, бүрэн бүтэн байдлыг хариуцна. Хөдөлгөөнд оролцохдоо “Монгол Улсын замын хөдөлгөөний дүрэм”-ийг дагаж мөрдөнө. Замын хөдөлгөөнд оролцохдоо гар утас болон бусад анхаарал сарниулах зүйлсийг ашиглахгүй байх. Тээврийн хэрэгслийн хурдыг тохируулахдаа тухайн авто замын хэсгийн зөвшөөрөгдсөн хурдны дээд хязгаараас хэтрүүлэлгүй зорчих . Тээврийн хэрэгслийн суудлын тоогоор зорчигчдыг суулгах, хүн хэтрүүлж суулгахгүй байх, огцом зогсох, жолоо шилжүүлэхийг хориглоно. Зорчигчдыг тээврийн хэрэгсэлд гүйцэд бууж суусны дараа анхааруулга дохио өгч хөдөлгөөн хийх. Шатахуун түгээх газар болон шатах, тослох материалын орчимд ил гал гаргах , тамхи татахыг бүрэн хориглоно. Авто зам дээр ажил үүрэг гүйцэтгэж байгаа хүн, явж байгаа мал амьтны дэргэдүүр өнгөрөхдөө хурдаа хасч , түүнд болон өөрсдөдөө аюул, осолтой байдал үүсгэхгүйгээр зорчих . Замын хөдөлгөөний аюулгүй байдлыг хангаж чадахааргүй өвчтэй / толгой өвдөх, дотор муухайрах, халуурах гэх мэт /буюу ядарсан үедээ ахалж яваа ажилтанд даруй мэдэгдэж хөдөлгөөнд оролцохгүй байх. Түр зогсолт хийхдээ тээвэрлэн яваа зорчигчдод аюул учруулахгүй байх , замын хөдөлгөөний аюулгүй байдлыг хангаж зогсолт хийх. Тээврийн хэрэгслийн тоормосны систем, жолоодлогын хүрдний механизм ажиллахгүй болсон, чиргүүлийн холбоос / чиргүүлтэй үед / эвдэрсэн , харанхуй үед болон үзэгдэх орчин хязгаарлагдсан нөхцөлд хол, ойрын буюу ар талын дохионы гэрэл асахгүй болсон , бороо орж байгаа үед жолооч талын шил арчигч ажиллахгүй зэрэг нөхцөл байдал үүссэн тохиолдолд хөдөлгөөнөө үргэлжлүүлэхийг хориглоно. Гол усны гүнийг урьдчилан үзэхгүйгээр гатлах гэж оролдохгүй байх. Наадмын талбайд ирээд зохион байгуулах хорооноос зааж өгсөн автомашины зогсоолд тээврийн хэрэгслийг байрлуулна. Дур мэдэн наадмын талбай руу тээврийн хэрэгсэл оруулахыг хориглоно.

Зааварчилгаа авсан:

Жолооч: Овог..... НэрГарын үсэг.....

.....он.....сар.....өдөр.....цаг.....минут

“НААДМЫН ОРОЛЦОГЧ НАРТ “

1. Аюулгүй байдлыг хангахад тавигдах шаардлага:

- 1.1 Наадмын оролцогч бүрд зохион байгуулах хорооноос явуулсан “Аюулгүй байдал, эрүүл ахуйн зааварчилгаа”-г уншиж танилцуулан гарын үсгийг зуруулж зохион байгуулах хорооны “Аюулгүй байдал-Эрүүл ахуй хариуцсан” мэргэжилтэнд авчирч өгөх.
- 1.2 “Нүүдэлчин монгол-2022” наадамд ирж, буцахдаа өөрийн аймгаас томилогдсон ахлагчийн удирдлаган дор батлагдсан тээврийн хэрэгслээр зорчино. Тээврийн хэрэгслээр зорчихдоо өөрийн болон бусдынхаа аюулгүй байдалд хяналт тавьж явах. Тээврийн хэрэгслийг гүйцэд зогсоогүй явдал дунд бууж суухгүй байх, тээврийн хэрэгслийн цонхоор толгой, гараа гаргаж явахгүй байх, өвөр дээр халуун савтай халуун хоол, цай тавьж явахгүй байх зэргийг анхаар. Автомашин зогсох үед тээврийн хэрэгслийн ард зогсохгүй, суухгүй байх, ганц нэгээр холдож явахгүй байх.
- 1.3 Насанд хүрээгүй хүүхдийг ганц нэгээр явуулахгүй байх, асран хамгаалагчийн хамт явуулах.
- 1.4 Наадмын үйл ажиллагааны хүрээнд Зохион байгуулах хорооноос гаргасан “Отог үүсгэх үйл ажиллагааны заавар”, “Түр байрлах заавар”, “Аюулгүй байдал, эрүүл ахуй зааварчилгаа”-г дагаж мөрдөнө.
- 1.5 Наадмын талбайд ажиллах хэв журам сахиулах байгууллагуудаас тогтоосон дүрэм журмыг мөрдөнө.
- 1.6 Хаалт, хамгаалалт, анхааруулах тэмдэг, тэмдэглэгээг дагаж мөрдөнө.
- 1.7 Гэр барьж цахилгаан хэрэгслүүдээ залгах, салгах үеүдэд нойтон гараараа цахилгаан тоноглол, кабель утсанд хүрэхгүй байх, шалбарч гэмтсэн болон кабель утас ил гарсан кабель утсыг хэрэглэхгүй байх, Олон залгуурт хэт олон зүйлсийг нэг дор залгахгүй байх
- 1.8 Гэрлийг даавуу, хөшиг гэх мэт шатамхай материалаас хол байрлуул.
- 1.9 Бороо хур их орж голын усны түвшин ихээр нэмэгдэж байгаа тул / голын ойр орчмоор явахгүй байх, голд орохгүй байх
- 1.10 Бороо орох, цахилгаан цахих үед өндөр хүчдэлийн шугамын ойр орчинд зогсохгүй байх, гэрэл цахилгаанаа тэжээлээс салгах, шалбарч гэмтсэн, кабель ил гарсан цахилгааны утаснаас хол байх
- 1.11 Ахуйн хэрэглээний газыг ил задгай наранд тавихгүй байх
- 1.12 Хөгжлийн бэрхшээлтэй иргэд, өндөр настай өвлөн уламжлагчдад анхаарал халамж тавина.

2. Эрүүл ахуйн зааварчилгаа:

- 2.1 Ирж, буцах замд оролцогчийн биеийн байдал тавгүйрэх байдал мэдэгдмэгц ахалж яваа ажилтанд нэн даруй мэдэгд. Суурь өвчтэй болон эмчийн хяналтанд эм уудаг оролцогч шаардлагатай эм, эмийн бүтээгдхүүнээ биедээ авч яв. Аймаг бүр эмнэлэгийн анхны тусламж үзүүлэх эмийн хайрцаг бэлдэж бэлэн авч явах.
- 2.2 Наадамд оролцогчдыг хариуцаж яваа ажилтан оролцогчдын сахилга бат болон биеийн эрүүл мэндийн байдалд хяналтыг тавьж явах ба аймгаас гарахдаа анхны тусламжийн эмийн хайрцгийг бэлдэж авч гарах.
- 2.3 “COVID” цар тахлын халдварын тоо нэмэгдэж байгаатай холбогдуулан халуурах, ханилгах, биед мэдэгдэхүйц өөрчлөлт гарсан тохиолдолд яаралтай эмнэлгийн цэгт хандаж зөвлөмжийн дагуу холбогдох арга хэмжээг яаралтай ав.
- 2.4 Оролцогч бүр өөрийнхөө болон бусдынхаа аюулгүй байдалд хяналт тавьж, учирч болох эрсдэлээс урьдчилан сэргийлэхэд анхаарна.

- 2.5 Наадмын талбай отог, түр байрандаа зохион байгуулах хорооноос өгөгдсөн зааварчилгааны дагуу дэг журамтай, эмх цэгцтэй , ариун цэврийн шаардлагыг хангаж байрлана.
 - 2.6 Оролцогчдын биеийн байдал эвгүйрэх , өвдөх тохиолдолд наадмын зохион байгуулах хорооны эмнэлгийн үйлчилгээний цэгт хандаж , эмнэлгийн тусламж үйлчилгээ авна.
 - 2.7 Хэт халуунд нарших, оройн сэрүүн, бороотойд даарах , хорхой шавьжинд хазуулах , явганаас унаж бэртэх зэрэг осол гэмтлээс болгоомжил.
 - 2.8 Хүнсний бүтээгдхүүн хэрэглэхдээ чанар, баталгаат хугацааг анхаарчхоолны хордлогонд орохоос урьдчилан сэргийлэх.
 - 2.9 Ариун цэврийн шаардлага хангасан зориулалтын талбайд хоол хүнсийг боловсруулж хэрэглэ.
 - 2.10 Хүнсэнд хэрэглэх махан бүтээгдхүүнийг бэлнээр хэрэглэх / мал , амьтан төхөөрөхгүй байх /
- 3. Хориглох зүйлс:**
- 3.1 Согтууруулах төрлийн ундаа, сэтгэцэнд нөлөөлөх эм бэлдмэл, мансууруулах бодис хэрэглэх, үнэртэх
 - 3.2 Шөнө оройн цагаар сэлгүүцэх, багийн бус зохион байгуулалтаар , ахалж яваа ахлагчийн зөвшөөрөлгүй наадмын үйл ажиллагаанаас бусад зүйлд явахыг хориглоно.
 - 3.3 Ахалж яваа ажилтны зөвшөөрөлгүй автомашины зогсоолоос тээврийн хэрэгсэл хөдөлгөхийг хориглоно.
 - 3.4 Шатах, тослох материал, амархан шатах материалын ойролцоо, ил гал гаргах, тамхи татах
 - 3.5 Голын эрэг гол руу явахыг хориглоно.
 - 3.6 Цахилгаан тоног төхөөрөмжийг дур мэдэн залгах, салгах
 - 3.7 Зөвшөөрөлгүй галт зэвсэг, хутга мэс, ангийн хэрэгсэл авч ирэхийг хориглоно.
 - 3.8 Ил задгай гал асаахыг хориглоно.
 - 3.9 Халдварт өвчний эрсдэлээс урьдчилан сэргийлж , хорио цээр тогтоосон хүнс, ургамал хэрэглэх (ангийн мах, амьтны гаралтай хүнс, ургамал гэх мэт)
 - 3.10 Олон нийтийн амгалан тайван байдлыг алдагдуулах , бусдын биед халдах, буруу зүйлд татан оролцуулах
 - 3.11 Зориулалтын бус газар бие засах, ил задгай нус цэрээ хаях
 - 3.12 Хог хаягдлыг хогийн сав болон тогтоосон цэгээс бусад газарт ангилан ялгалгүй хаях
 - 3.13 Шингэн хаягдлыг зориулалтын бус газарт асгах
 - 3.14 Наадмын хүрээнд мал муулах , малын арьс , шир , үс , ноос , сэвс хаях

Зааварчилгаа өгсөн:

Зааварчилгаа авсан:

.....Овогнэр.....албан тушаалгарын үсэг

.....он.....сар.....өдөр.....цаг.....минут